

# **WAYO LA RENION**

**La Rénion nout paradi lo siel la vanté  
Out non lé kom in zapel  
Pou nou viv dann in péi an dalonaz**

**Destin bondié lanminn tout zanfane la ter  
Dann gran milié loséan indiyin  
Kom in salvert kouler lamour**

**Alléluia ! Alléluia ! azot zanfane Lafrans  
Lo bann pirat kolon ek marin  
Ariv azot ek zot liv lévanzil**

**Sidiamm ! Sidiamm ! azot zanfane Lafrik  
Sanm zot gran ser Malgasine  
Ariv azot ek zot maloya lo tan lontan**

**Namasté ! Vanakkam ! azot zanfane Ramayana  
Péi Bengal aou Péi Tamoul aou  
Ariv azot ek zot barldon narlégon**

**Huang ying ! Azot zanfane roiyom lo siel  
La konstrui lo Gran mir la Chine  
Ariv azot ek zot parol lontan**

**Mar'haba ! Assalaame mar'haba !  
Azot zanfane Komor zanfane Goujrat  
Ariv azot ek zot sourat sakré**

**Destin bondié lanminn tout zanfane la ter  
Dann gran milié loséan indiyin  
Kom in salvert kouler lamour**

**Ansanm ansanm zanfane nout Péi tout-kouler  
Si lo pti bout la ter bondié la doné  
Alon met la min ansanm pou bann marmay i lev  
Pou zot gingn viv an pé isi La Rénion ! An dalonaz.**

**Traduction de "Hymne à La Réunion" (poème d'Idriss Issop-Banian – 1991)  
par Patrice Treuthardt. Sortie CD oct 2017 par le groupe Kayanmbé avec  
Maximin Boyer, décédé le 26 juillet 2018)**